



Jumat, 27 Mei 2021

Ogen: Pengerana 7:8



Ulin Pendungi



Rahasia dari kesabaran adalah melakukan sesuatu dalam ketidak pastian namun penuh dengan harapan " enda sada kata motifasi si mpersingeti kita maka sada kata kunci ibas kesabaren e eme la pe lit kepastin tapi adi lit ije arapen ibas ngelakokensa pasti nge lit ulih si mehuli si nidatken. Sabab kai pe dahin e adi ilakoken alu pengarapen pasti ulihna eme si mehulina dengen ngasup kita ngelakokensa alu kiniteken seh maka kai pe si jadi e em siakap si pasna. Emaka adi ngerana kita kerna ulih, ngarap kel kita maka ulihna e simehuli, entah pe ulin asa siniarapken. Tapi adi salu pengarapen si timai, maka kai pe si jadi bagi ukur entah la pe bagi ukurta ngasup kita ngalokensa.

Tema renungenta eme ulin pendungi. Adi siidah ulin pendungina maka lanai lit erkadiola kita erkiteken kerina silakoken kita e enggo siukurken, enggo sipertimbangken untung ras rugina kerna kai sibahan kita emaka pang kita ngelakokensa alu resiko. Alu bage adi sigejapkenlah ulin pendungi e erkiteken melala pertimbangan si enggo silakoken ibas muat keputusan maka ngasup kita nanggung kerina si bagi ukur ras si la bagi ukur. Nina ibas Pengerana 7:8 , kai-kai pe , ulin kap pendungina asangkan pemenana, ulin ate saber asangkan ukur meganjang. Tentu arah kata enda silakoken kerina alu ate saber ula alu kiniganjangen ukur. Kesabaren ate e mereken ulih simehuli dengen pusuh si tetap sabab la ermbera-mbera ibas ngaloken ulih si lit. Adi terdauhen ikataken ibas Pengerana enda eme ula pedassa das darehndu sabab nembah ate ringan kap bas pusuh kalak si lenge. Jadi adi la kita nggit jadi kalak lenge saberlah kita ula minter gara pusuhtha, ula minter jadi merawa anem gia la bagi ukurta kai si jadi bas geluhta. Lit ulih dengen ulin pendungina gejapkenlah.

Tatap alu mata kiniteken, ulin kepe pendungina